



partii naleraq

UPA 2015/111

26.05.2015

Qanoq iliorluta meeqqat pitsaanerusumik angerlarsimaffiup avataanut inissitagut nammineersinnaanissaannut ikiorsersinnaanerivut pillugu apeqquyteqaat aallaavigalugut oqallisissiaq.

(Inatsisartunut ilaasortaq, Agathe Fontain, Inuit Ataqtigiit)

Inatsisartunut ilaasortap Agathe Fontainip oqallisissiaq aallaavigalugu oqallisissiaa soqutiginarloq Partii Naleqqamiit imannak oqaaseqarfigissuarput.

Angajoqqaatut akisussaassuseqarnek pillugu inatsisit nunatsinni soorunami aamma atuummat Partii Naleqqamiit eqqaasitsissutigissuarput.

Amma nalunngilarput angajoqqaarpasuit ulluinnarni inatsit eqqarsaatiginngikkaluarlugu meeqqaminnik isumaginnilluartunik, kisianni aamma tamatta nassuerutigisariaqarparput, ullumikkut ajorluinnaraluartumik angajoqqaat ilaqarmata, meeqqaminnik tamakkiisumik isumaginninneq ajortunik, tassami assersuutigalugu takusinnaavarput, maani kommuneqarfik Sermeersooq kisiat assersuutigissagutsigu – maani kommuneqarfimmi ukioq mannaannamut 188 mio kr-it meeqqanut angerlarsimaffiup avataani inissinneqarsimasunut atugassangortinneqarsimasut.

Tassuunaannakkulluunniit takusinnaavarput, meerartatta ilarpassuisa pisussaaffik eqqorlugu ineriartortinneqannginnerat.

Partii Naleqqamiit isumaqarpugut pissutsit taamaattussaannartut isigisariaqanngikkippit. Isumaqarput kommunit tamaasa qanimut suleqatigalugut ajornartorsiutit taama angitigisut allatut aaqqissuussinikkut qaangerniarlugit iliuseqartariaqartugut.

Tassami ilumorsinnaanngilaq meeqqap ataasiinnaap angerlarsimaffiup avataanut inissinneqarneranut ilaatigut qaammammut 140.000,- kr-it pallillugit kommuni akiliuteqartuaannassapat.

Tamatta uvagutsinnut aperisariaqarpugut, qanoq ililluta meeqqat angerlarsimaffiup avataanut inissinneqartartut ikinnerpaaffissaanniitinneqarnissaat anguniarlugu iliuseqarsinnaavugut ?

Tassami aperisassavut qaninnerpaat tassaangaluarput angajoqqaat, kisianni angajoqqaat ilaasa pisussaaffitsik tamakkiisumik naammassisinnaanngippassuk, taava ?

Partii Naleqqamiit isumaqarpugut aningaasarpasuit kommunini atorneqartartut pitsaanerusumik aamma angajoqqaat peqataatinnerullugit ajornartorsiutit qaangerneqarnissaat pillugu suliniuteqartariaqartugut.

Tassami Partii Naleqqamiit aamma eqqaasitsissutigissuarput, meeqqat pisinnaatitaaffii ataqqillugit, minnerunngitsumillu meeqqat ajunnginnerpaamik illersorneqarnissaat asanninnerlu tunngavigalugu toqqissisimasumik ineriartortinneqarnissaat qulakkeerumallugu sulisariaqaratta.

Taamaakkaluartoq angajoqqaat eqqaasinneqartuarnissaat, pisariaqarfiatigullu siunnersorneqarnissaat eqqumaffigilluarneqartariaqartoq Partii Naleqqamiit isumaqarpugut.

Taamaammat aamma angajoqqaatut oqartussaassuseqarneq pillugu inatsisip nutarterneqarnissaa pillugu Partii Naleqqamiit UPA/2015-imi oqallinnermi oqaaseqaativut innersuussutigalugit oqalliseqqinnissaq tikilluaqquarput.